

Na osnovu člana 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 124. sjednici održanoj dana 11.09.2013. godine d o n o s i

ZAKLJUČAK

I.

Utvrđuje se Prijedlog Zakona o povjeravanju javnih ovlaštenja iz oblasti zaštite okoliša.

II.

Prijedlog zakona iz tačke I ovog zaključka upućuje se u dalju skupštinsku proceduru po skraćenom postupku.

III.

Zaključak stupa na snagu danom donošenja.

Broj: 02-_____/13
Datum, 11.09.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Stručna služba Skupštine,
1x Ministarstvo finansija,
1x a/a.

PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, i člana 26. Zakona o organizaciji organa uprave Federacije BiH („Službene novine Federacije BiH“ broj:35/05), Skupština Zeničko-dobojskog kantona na prijedlog Ministarstva za prostorno uređenje, promet i komunikacije i zaštitu okoline na _____ sjednici održanoj _____ godine donosi:

ZAKON

o povjeravanju javnih ovlaštenja iz oblasti zaštite okoliša

DIO PRVI –UVOD

Član 1. (predmet)

Ovim zakonom povjeravaju se javna ovlaštenja iz oblasti zaštite okoliša stručnoj instituciji Univerzitet u Zenici – Organizaciona jedinica Metalurški institut, (u daljem tekstu: Institut)

DIO DRUGI -OVLAŠTENJA

Član 2. (poslovi)

(1) Za potrebe Zeničko-dobojskog kantona Institut će, uz nadzor Ministarstva za prostorno uređenje, promet i komunikacije i zaštitu okoline, obavljati poslove iz oblasti zaštite okoline a naročito:

- a) Uspostaviti efektivni sistem monitoringa kvaliteta zraka na području Zeničko-dobojskog kantona a u skladu sa Federalnim propisima i međunarodnim standardima.
- b) Prikupljati, sistematizovati i analizirati podatke, formirati bazu podataka i uspostaviti registar monitoring stanica na području Zeničko-dobojskog kantona.
- c) Organizovati i uspostaviti sistem izvještavanja o stanju kvaliteta zraka sa registrom korisnika podataka i definiranim obrascima za izvještavanje prema metodologiji EU.
- d) Softversko povezivanje i umrežavanje sistema monitoringa sa monitoringom na višim i nižim nivoima odgovornosti (Federalna i općinske mreže)
- e) Uspostaviti GIS sistem upravljanja monitoringom kvaliteta zraka i ostalim parametrima okoliša.
- f) Uspostaviti Registar o postrojenjima i zagađivanjima, kao osnov za izvještavanje u skladu sa zakonskim obavezama i odlučivanje u oblasti okolinskih pitanja.
- g) Nabavke, održavanja, servisiranja i kalibracije uređaja i senzora u cilju dobijanja validnih rezultata.
- h) Priprema i radi strateške dokumente iz oblasti zaštite okoliša, akcione planove, studije, ekspertize, analize, informacije o stanju okoliša na području Zeničko-dobojskog kantona i pojedinih općina.

(2) Za potrebe Skupštine i Vlade Zeničko-dobojskog kantona kao i za potrebe nadležnog ministarstva Institut je dužan:

- a) U skladu sa utvrđenim programskim zadacima Skupštine Zeničko-dobojskog kantona dostavljati Izvještaje i Informacije o stanju okoliša na području Zeničko-dobojskog kantona,
- b) Za potrebe Ministarstva za prostorno uređenje, promet i komunikacije i zaštitu okoline dostavlja kvartalni izvještaj o kvalitetu zraka i godišnji izvještaj o stanju okoliša na području kantona.

POGLAVLJE I – OBIM, VRSTA I ORGANIZACIJA POSLOVA

Član 3. (program rada)

- (1) Obim i vrstu poslova iz oblasti zaštite okoliša, u saradnji sa nadležnim ministarstvom, Institut definira godišnjim Programom rada kojeg usvaja Vlada Zeničko-dobojskog kantona.

Član 4. (organizacione promjene)

(1) U cilju kvalitetnog obavljanja poslova propisanih članom 2 ovog Zakona Institut je dužan:

- 1) Kontinuirano osiguravati tehničke, materijalne i druge organizacione uvjete, uključujući i potrebna ovlaštenja i akreditacije nadležnih tijela u cilju obezbjeđivanja validiranja i ocjenjivanja traženih parametara koji su definirani važećim zakonskim propisima i Strategijom zaštite okoliša Federacije BiH.
- 2) Izvršiti odgovarajuće organizacione i kadrovske prilagodbe.

DIO TREĆI - FINANSIRANJE

Član 5. (finansiranje)

(1) Finansijska sredstva za obavljanje poslova iz člana 2. ovog zakona i funkcioniranje organizacione jedinice će se obezbjediti iz budžeta Zeničko-dobojskog kantona, iz namjenskih sredstava Fonda za zaštitu okoliša, tako da se ne opterećuju druge budžetske pozicije.

(2) U tekućoj godini, u postupku izrade budžeta za narednu godinu, Institut je dužan nadležnom ministarstvu podnijeti Prijedlog programa utroška sredstava potrebnih za obavljanje poslova.

(3) Utvrđena sredstva iz stava 2. ovog člana Institut je dužan planirati na razdjelu 22- Ministarstvo za obrazovanje, nauku, kulturu i sport, u koloni „ izdaci iz namjenskih sredstava“ i to na odgovarajućim budžetskim pozicijama potrebnim za realizaciju predloženog Programa utroška sredstava.

(4) Nakon usvajanja Budžeta Institut je dužan donijeti Program utroška sredstava sa svim bitnim elementima propisanim Zakonom o izvršavanju budžeta Zeničko-dobojskog kantona i to u roku od 30 dana od dana stupanja na snagu Budžeta.

(5) Izvještaj o utrošku sredstava za prethodnu godinu Institut će, do 30. 03. tekuće godine dostaviti Vladi Zeničko-dobojskog kantona

DIO ČETVRTI - NADZOR

Član 6. (Nadzor nad primjenom Zakona)

Upravni nadzor nad primjenom ovog zakona u pogledu prenesenih ovlaštenja vrši Ministarstvo za prostorno uređenje, promet i komunikacije i zaštitu okoline.

DIO PETI-ZAVRŠNE ODREDBE

Član 7. (stupanje na snagu)

Ovaj Zakon stupa na snagu osmog dana od dana objavljivanja u „Sužbenim novinama Zeničko-dobojskog kantona“.

Broj: _____

Datum: 2013.godine

**P R E D S J E D A V A J U Ć I
S K U P Š T I N E**

Sretko Radišić

Dostavljeno:

1x Ministarstvo za prostorno uređenje,
promet i komunikacije i zaštitu okoline

1x Skupština ZDK

1x a/a

O B R A Z L O Ž E N J E

I PRAVNI OSNOV

Pravni osnov za donošenje Zakona o povjeravanju javnih ovlaštenja iz oblasti zaštite okoliša sadržan je u odredbama člana 37. stav 1. tačka f) Ustava Zeničko-dobojskog kantona i člana 26. Zakona o organizaciji organa uprave Federacije BiH („Službene novine Federacije BiH“ broj:35/05).

II RAZLOZI DONOŠENJA

Prema Ustavu Federacije BiH oblast zaštite okoliša je podijeljena nadležnost između kantona i Federacije. Shodno tome u Zeničko-dobojskom kantonu primjenjuje se cijeli set Federalnih zakona iz oblasti okoliša, Zakon o zaštiti okoliša («Službene novine Federacije BiH» broj:33/03), Zakon o zaštiti zraka («Službene novine Federacije BiH» broj:33/03), Zakon o upravljanju otpadom («Službene novine Federacije BiH» broj:33/03), kojima se kantoni obavezuje na provođenje mjera i aktivnosti iz oblasti: zaštite zraka, monitoringa kvaliteta zraka, vođenje registra, upravljanja otpadom itd. Iz prethodno navedenog proizilazi i obavljanje niza međusobno povezanih operacija i aktivnosti čijim bi se izvršavanjem uspješno odgovorilo na naprijed postavljene zadatke.

Ministarstvo za prostorno uređenje, promet i komunikacije i zaštitu okoline u okviru sektora zaštite okoliša nema potrebne opreme niti kadrovskih potencijala (dva uposlena) za izvršenje svih naprijed pomenutih poslova, tako da je ocijenjeno da bi za obavljanje svih nabrojanih aktivnosti bio potreban angažman Univerziteta u Zenici – Organizaciona jedinica Metalurški institut koji u svom sastavu već ima formiranu organizacionu jedinicu (Zavod za zaštitu i ekologiju) za izvršavanje pomenutih aktivnosti, koja ima reference u obavljanju poslova iz oblasti zaštite okoliša, ali čiju organizaciju i sistematizaciju treba prilagoditi novim zahtjevima.

Odredbama člana 26 Zakona o organizaciji organa uprave Federacije BiH („Službene novine Federacije BiH“ broj:35/05) propisano je da se određeni upravni i stručni poslovi iz nadležnosti organa uprave mogu povjeriti na vršenje pravnim licima kada je to prikladno i kada se time postiže efikasnije ostvarivanje određenih prava i obaveza građana i pravnih lica.

Primjenom citirane odredbe zakona određeni poslovi iz oblasti zaštite okoline mogu se povjeriti na vršenje pravnom licu sa javnim ovlaštenjima, odnosno Univerzitetu u Zenici-OJ Metalurški Institut.

Nadzor nad radom Univerziteta u Zenici – OJ Metalurški institut u okviru povjerenih ovlaštenja shodno odredbama člana 29. Zakona o organizaciji organa uprave Federacije BiH („Službene novine Federacije BiH“ broj:35/05) vršit će, Ministarstvo za prostorno uređenje, promet i komunikacije i zaštitu okolineu saradnji sa Ministarstvom za obrazovanje, nauku, kulturu i sport Zeničko-dobojskog kantona.

III FINANSIJSKI EFEKTI

Donošenjem ovog zakona neće se dodatno opteretiti Budžet Zeničko-dobojskog kantona zato što Ministarstvo za prostorno uređenje, promet i komunikacije i zaštitu okoline raspolaže namjenskim sredstvima za finansiranje projekata iz oblasti zaštite okoliša, koja se donošenjem ovog zakona djelimično preusmjeravaju na pozicije namjenskih sredstava Ministarstva za obrazovanje, nauku, kulturu i sport.

IV POSTUPAK DONOŠENJA

Obzirom da je riječ o Zakonu malog obima, predlažemo da se na osnovu člana 140. Poslovnika Skupštine Zeničko-dobojskog kantona ovaj Zakon donese po skraćenom postupku.

Obradio:

Sead Čizmić

MINISTAR

Edin Terzić

